

Broj: 01-02.2-5609-31/24 NV

Datum: 23.12.2024. godine

Na osnovu člana 70. Zakona o javnim nabavkama (Službeni glasnik BiH broj 39/14, 59/22, 50/24) i Pravilnika o javnim nabavkama JP Ceste Federacije BiH d.o.o. Sarajevo (Ugovorni organ), Uprava d o n o s i:

ODLUKU

o dodijeli ugovora za nabavku usluga nadzora nad izvođenjem radova: Cesta M6 i M17.4, Izgradnja obilaznice Ljubuškog (Spoj cesta M6 i M17.4) od P61A do P71, ponuđaču INTEGRA d.o.o. Mostar.

I

Na osnovu odluke o pokretanju postupka javne nabavke radova proveden je otvoreni postupak pokrenut obavještenjem o nabavci objavljenom na portalu E-nabavki dana 3.7.2024.godine broj: 260-1-3-144-3-228/24.

Izvršeno je otvaranje, analiza i ocjena ponuda.

Do utvrđenog roka za predmetnu nabavku prispjelo je 6 (šest) ponuda:

1. INTEGRA d.o.o. Mostar	12.800,00 KM bez PDV-a 14.976,00 KM sa PDV-om
2. IPSA INSTITUT d.o.o. Sarajevo	12.810,00 KM bez PDV-a 14.987,70 KM bez PDV-a
3. SMAJIĆ-INŽENJERING d.o.o. Goražde	12.600,00 KM bez PDV-a 14.742,00 KM bez PDV-a
4. CPK d.o.o. Banja Luka	12.600,00 KM bez PDV-a 14.742,00 KM sa PDV-om
5. IGH d.o.o. Mostar	12.820,00 KM bez PDV-a 14.999,40 KM sa PDV-om
6. PROKONSING d.o.o. Mostar	12.600,00 KM bez PDV-a 14.742,00 KM sa PDV-om

Analizom primljenih ponuda Komisija je, u svom Izvještaju br. 01-02.2-5609-4/24 NV od 12.8.2024. godine, konstatovala da su ponude ponuđača kompletne, da zadovoljavaju tražene kriterije i da su u okviru budžeta. Izvršena je računaska kontrola ponuđenih cijena i ustanovljeno je da nema računskih greški.

Dana 20.8.2024. godine održana je e aukcija, nakon koje je formirana konačna rang lista:

1. IGH d.o.o. Mostar	2.899,00 KM bez PDV-a 3.391,83 KM sa PDV-om
----------------------	--

2. PROKONSING d.o.o. Mostar	2.900,00 KM bez PDV-a 3.393,00 KM sa PDV-om
3. SMAJIĆ-INŽENJERING d.o.o. Goražde	3.595,41 KM bez PDV-a 4.206,63 KM sa PDV-om
4. CPK d.o.o. Banja Luka	4.200,00 KM bez PDV-a 4.914,00 KM sa PDV-om
5. IPSA INSTITUT d.o.o. Sarajevo	5.992,00 KM bez PDV-a 7.010,64 KM sa PDV-om
6. INTEGRA d.o.o. Mostar	12.000,00 KM bez PDV-a 14.040,00 KM sa PDV-om

Nakon završene e – aukcije Komisija je razmotrila ponude sa aspekta neprirodno niske cijene te utvrdila da je ponuđena cijena, ponuđača IGH d.o.o. Mostar, nakon završene e aukcije, neprirodno niska.

U skladu sa zakonskom regulativom upućen je dopis ponuđaču, za obrazloženje ponuđene cijene. Ponuđač IGH d.o.o. Mostar je propustio, u propisanom roku, dostaviti pojašnjenje ponuđene cijene te je ponuda odbačena kao neprihvatljiva.

U nastavku rada Komisija je utvrdila i da je ponuđena cijena, ponuđača PROKONSING d.o.o. Mostar, nakon završene e aukcije, neprirodno niska.

U skladu sa zakonskom regulativom upućen je dopis i ovom ponuđaču za obrazloženje ponuđene cijene. Ponuđač PROKONSING d.o.o. Mostar je propustio, u propisanom roku, dostaviti pojašnjenje ponuđene cijene te je i ova ponuda odbačena kao neprihvatljiva.

U daljem nastavku rada Komisija je utvrdila i da je ponuđena cijena, ponuđača SMAJIĆ-INŽENJERING d.o.o. Goražde, nakon završene e aukcije, neprirodno niska.

U skladu sa zakonskom regulativom upućen je dopis ponuđaču, za obrazloženje ponuđene cijene. Ponuđač je svojim dopisom dao pojašnjenje ponuđene cijene. Komisija je prihvatila pojašnjenje cijene koje je ponuđač dostavio putem akta br. 660-U-24 od 13.9.2024.godine.

U skladu sa navedenim Komisija je dala preporuku Upravi da se ugovor za nabavku usluga nadzora nad izvođenjem radova: Cesta M6 i M17.4, Izgradnja obilaznice Ljubuškog (Spoj cesta M6 i M17.4) od P61A do P71, dodjeli ponuđaču SMAJIĆ-INŽENJERING d.o.o. Goražde.

Nezadovoljni navedenom odlukom ponuđač iz predmetnog postupka, INTEGRA d.o.o. Mostar, podnosi žalbu.

Po analizi žalbe ponuđača, INTEGRA d.o.o. Mostar, Ugovorni organ donosi rješenje o djelimičnom usvajanju žalbe broj: 01-05.1-5609-21/24 IO od 9.10.2024. godine, kojim se stavlja van snage Odluka o dodjeli ugovora broj: 01-02.2-5609-10/24 NV od 18.09.2024.godine i poništava se e-aukcija održana 20.08.2024.godine.

Komisija je, u skladu sa Tenderskom dokumentacijom, izvršila ponovo pregled ponuda sa aspekta kompletnosti i kvalificiranost, te utvrdila da ponuda ponuđača SMAJIĆ-INŽENJERING d.o.o. Goražde nije prihvatljiva jer ponuđač nije dokazao, za poziciju Voditelja nadzornog tima–nadzorni inženjer, iskustvo u nadzoru na najmanje 5 (pet) ugovora na projektima cestogradnje uključujući i iskustvo kao voditelj nadzornog tima na realizaciji 2 (dva) ugovora na projektima cestogradnje.

Na str. 34. ponude dostavljen je CV za predloženog Voditelja nadzornog tima - nadzorni inženjer, u skladu sa tač. 11.4.2. b) TD, u kojem nije navedeno da ima iskustvo u realizaciji 2 (dva) ugovora

kao voditelj nadzornog tima na projektima cestogradnje, nego samo iskustvo u nadzoru na najmanje 5 (pet) ugovora na projektima cestogradnje u kojima je imao ulogu nadzornog inženjera.

Komisija je konstatovala da su ponude ostalih ponuđača kompletne, da zadovoljavaju tražene kriterije i da su u okviru budžeta. Izvršena je računska kontrola ponuđenih cijena i ustanovljeno je da nema računskih greški.

Komisija je nakon analize ponuda formirala listu, prije provođenja e aukcije:

1.	CPK d.o.o. Banja Luka	12.600,00	KM bez PDV-a
		14.742,00	KM saPDV-om
2.	PROKONSING d.o.o. Mostar	12.600,00	KM bez PDV-a
		14.742,00	KM saPDV-om
3.	INTEGRA d.o.o. Mostar	12.800,00	KM bez PDV-a
		14.976,00	KM saPDV-om
4.	IPSA INSTITUT d.o.o. Sarajevo	12.810,00	KM bez PDV-a
		14.987,70	KM saPDV-om
		12.820,00	KM bez PDV-a
		14.999,40	KM saPDV-om

Na osnovu prije navedenog, dana 2.12.2024. godine, provedena je „e aukcija“ nakon koje je bilo promjena u ponuđenim iznosima i formirana je konačna rang lista:

1.	INTEGRA d.o.o. Mostar	2.300,00	KM bez PDV-a
		2.691,00	KM saPDV-om
2.	CPK d.o.o. Banja Luka	2.490,00	KM bez PDV-a
		2.913,30	KM saPDV-om
3.	IPSA INSTITUT d.o.o. Sarajevo	5.800,00	KM bez PDV-a
		6.786,00	KM saPDV-om
4.	IGH d.o.o. Mostar	12.598,00	KM bez PDV-a
		14.739,66	KM saPDV-om
		12.600,00	KM bez PDV-a
		14.742,00	KM saPDV-om

Nakon završene e – aukcije Komisija je razmotrila ponude sa aspekta neprirodno niske cijene te utvrdila da je ponudena cijena, ponuđača INTEGRA d.o.o. Mostar, nakon završene e aukcije, neprirodno niska.

U skladu sa zakonskom regulativom upućen je dopis ponuđaču, za obrazloženje ponudene cijene. Ponuđač je svojim dopisom dao pojašnjenje ponudene cijene. Komisija je prihvatila pojašnjenje cijene koje je ponuđač dostavio putem akta br. 158-5/2024 od 6.12.2024.godine

U skladu sa navedenim Komisija je dala preporuku Upravi da se ugovor, za nabavku nadzora nad izvođenjem radova Cesta M6 i M17.4, Izgradnja obilaznice Ljubuškog (Spoj cesta M6 i M17.4) od P61A do P71, dodjeli ponuđaču INTEGRA d.o.o. Mostar.

Ponuđač INTEGRA d.o.o. Mostar je dužan, u skladu sa zahtjevima iz Tenderske dokumentacije, dostaviti originale ili ovjerene kopije dokumenta iz člana 45. (stav 2) u zakonski određenom roku. Ukoliko izabrani ponuđač ne dostavi traženu dokumentaciju, u određenom roku, ugovor će biti dodijeljen drugorangiranom ponuđaču.

Cijeneći navedeno, Uprava donosi odluku kao u dispozitivu.

II

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

Pravna pouka:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.



v.d. direktora

Ljubo Pravdić, dipl.ing.građ.